

## Vorred.

lustiger noch ruhiger waren/dann wann sie rusticierten/vnd mit irem Feld zu Feld lagen. Vnd gewislich (inn massen Plinius schreibet) hat sich das Feld gleichsam zur danckbarkeit/ im angethaner Ehr/nimmer fruchtbarer vnd lustiger/ allerhand fruchte zutragen/ erzenget / dann wann es velleicht mit eym purpurierten Pflug/vñ von eym sichafften triumphirenden Land man ist angewendet worden.

So dann die übung vnd der Gebrauch der Feldarbeit von den heiligsten/frömbsten/klugesten/ herrlichsten/ auserlichsten ist abgelesener massen/jederzeit so hoch/ lieb vnd werd/ von wegen seines überschwänglichen Nutzes vnd lusts gehalten worden: Warlich so verdienen dise/ welche zu beförderung solches angenehmen / vnd zu gemeynem Nutz dienlichen wercks/ den rechten ordenlichen/ künstlichen vnd artlichen geprauch vnd wege / inn Schrifften an tag geben / nicht eyn geringes Lob / vnd sind billich zuehren vñ zuzufördern. Dieweil sie nit alleyn gegenwärtiger zeit / sonder auch der Nachkommenschaft mit irer auffgezeichneten erfahrung vnd erkündigung sehr vorständig sein. Dann wo hetten wir wissen mögen/wie die Griechē/ Perser/Affricaner/Römer/Teutschē vnd Spanier vorzeiten das Land gebauet haben/wann nicht Orpheus/Museus/Hesiodus/Hieron/Archelaus/Mago/Columella/Varro/Gato vnd andere vil mehr/ solches auff die nachkommenen inn Schrifften erhalten hetten?

Derhalben/Gnädigster Herz/hab ich inn betrachtung der förderung angerürtes gemeynes nutzes/ vnd erwegung der verwandschaft der Agricultur / zu meiner facultet der Arzenei / vnd mein sonderen lust der pflanzung allerhand Simplicien/ nicht vñgehen wollen noch sollen/dise Sibens Bücher vom Feldebau vnd Meyerhof / von den hochgelehrten vnd weitberühmten Herrn/Carolo Stephano/vnd Johanne Liebalto/ Arzenei Doctorn/auff das vollkommnest/so inen möglich gewesen/ beschriben/ vñ von allen nit alleyn inn Franckreich/sonder auch bei außländischen / so der Französischen Sprachen kündig/hochgeachtet/vnserm gemeynem Vatterland zu sonderem nutz vnd vorthenl/inns Teutsch zu vertieren.

Demnach aber von altem wol herkommen vñ präuchlich/gemeynnutzliche werck/vñ mehr comendirens willen/bey andern vnterthäniges stands leuten/den jenigen hohen personen zuofferieren / die sonderlich dem gemeynen nutz wol vorstehen / vnd denselbigen sehr förderen: so hab sonderlich E. Gh. Durchleuchtigkent vnd G. ich mein gegenwärtiges vertirt Opus/ inn vnterthänigkent antragen vnd dediciere wöllen: wie ichs dann auch hie mit E. Gh. G. vnterthänigest dediciere vnd vbergebe. Vnterthänig bitend/solche antrag inn Gnaden zuvermercken vnd anzunehmen. Dieweil es sonderlich zu erst angeregtem bedencken / auch auß disen Gnädigsten anlehtungen beschehen / das erstlich von E. Gh. Gnaden mir viel vnd offe